



BIBLIOTHECA
UNIV. JAGELL.
CRACOVENSIS

Mag. St. Dr.

189036

189069^G

Leiningen ~~in~~ ⁱⁿ ~~der~~ ^{der} preussischen ~~preuss.~~
~~der~~ ^{der} ~~preussischen~~ ^{preussischen} ~~Land~~ ^{Land}

1. Königl. polnische Schreiben an
 an Czar, 1719.
2. Russie Imperatoris Littere ad
 Regem Polonie, 1722
3. Constitution etc in Warschau anno
 1724 anfangs von Reichs tag
 1725.
4. Königl. preussische Schreiben an
 den König von Preussen, Groß
 Britannien, Dänemark und
 Schweden in thöcischer Pst., 1724.

3. Job Königs in preussen andr.
mächtige Fürsten an der
König in Pohlen und daz. Dann,
und Schloß in der Thurnische Saft
1725.
6. Königl. Dänische Fürsten an
der König in Pohlen, naye
der Thurnische Saft, 1729.
7. Zuvor Königl. Schwedische Fürsten
an der Kaiser in daz Saft,
1725.
8. Thurnische von Adel und Ritter,
Berlin, 1726.
9. Von den runde preussen an
nur farn in Thurnische
an der Thurnische Saft,
1725.
10. Briefe von der pohlische
Leutentz und Execution in
der Thurnische Saft, 1729.
11. Rosener f. jöh. Gottfr. (grab/schrift,
1725

12. Rösners Trostwort auf der feyer-
lich, an die Bedrängten Gläubigen
Gemeinen 1725.

13. Verse auf Rösners Tod, 1725.

14. S. / d. L. / der entlarvte jesuit,
1725.

15. H. f. / d. h. / die fuzlische gesandte
an den König in pohlen und
1725.

16. Antilogia s. Const. Euseb. / b. / b. /
b. / d. / jesuiter ordens,
1725.

17. Littere et scripta in quibus
continentur Gravamina et Re-
sponsiones Respublice Polonice
Centra Regem Borussiae, 1725.

18. Aulicæ Berolinensis Responsio
ad Gravamina R. p. Polonice,
1726.

19. ab Primati in Pohlen Uni,
verfassen, wegen Absterben
König Augusti, II. Breslau
1733.

20. Seconde Lettre d'un Hollandois
a un Ami Prussien, *Ms.*
21. Epistola de prospera Electione
Regis Polonice, 1733.
22. falsitas narrationis de Electione
Stanislai et Augusti III,
1739.
23. Veræ Rationes quæ deducunt
motivum ad disprobendam
Electionem Stanislai in Regem
Polonice, 1739.
24. Pacta conventa entre la République
de Pologne et Frédéric August
Duc de Saxe, 1733.
25. Motifs des Résolutions du
Roy de Pologne et a Reponse
a Vienne, 1733.
26. reponse du Comte de Galowkin
au Grand Vizir, au Sujet des
affaires de Pologne, a Varsovie,
1739.
27. Capitulation Zwissig de
Hofburg Weichsel-münde
de Russie et de Prusse
Generalité, 1734.

28 Brief von der von
sohlen wolsten Wölder,
wist,

29 Resultat de la Confédération
de Pologne, 1735.

30 Manifestatio Confederata
Reipublice Poloniæ patriæ
infinuata, 1735. cum
replicatione,

31 Continuation der Warschauer
Confederation 1735.

2

| tri |

ms

nr: Kapitane Thore Virgin
2a pss. Rozelstua Bot. i. Stockholm

45. b. 4932.

Veræ, & Commoventes
R A T I O N E S
QUÆ
REIPUBLICÆ CONFOEDERATÆ

Dederunt motivum ad disaprobendam
 Pseudo - Electionem

STANISLAI
LESZCZYNII,

ET

*Salvandam communem Libertatem, & Salutem publicam
 per viam liberæ, & ab omni privato studio*

Alienæ Electionis

Serenissimi, ac Potentissimi

AUGUSTI III.

REGII PRINCIPIS

POLONIÆ,

ET

ELECTORIS

SAXONIÆ,

In Regem Regni Poloniæ, & Magnum

Ducem Lituaniæ,

**Dominumque annexarum Provinciarum,
 ad idem Regnum spectantium.**

789058

II





Ost luētuoſam, & omnium
ferè ſæculorum ſenſibilitate nun-
quam ſatis deplorandam mortem,
placide nunc in DEO quieſcentis
Sereniſſimi, ac Potentiſſimi Polo-
niarum REGIS AUGUSTI

Ildi, Domini noſtri Clementiſſimi, nemo gnarus
actorum negabit, quòd vitio, & labe quadam in Vi-
cario Miniſterio Regni erat veluti emortua omnis
pietas, fides, amor boni publici, & publicæ ſalutis,
libertatiſque ſolicitudo.

In quorum locum præoccupaverat animos Præ-
dominantium ſub interregno inauditus à condita Re-
publica faſtus, & arrogantia: itidem avaritia peſſi-
mum Reipublicæ malum privata ſtudia publicis an-
teponens commodis.

Ex quibus vitioſis fontibus proceſſit geneſis ma-
lorum in Republica, nempe: oppreſſio avitæ liber-
tatis, & æqualitatis à prævalente, & plus quam civi-
lia audente Domo Potociana, Eique annexarum af-
fidatorumque publica conſilia ad ſuum arbitrium pri-

vatum dirigentium, quamvis in æquali Republica de jure, & justitia, par in parem nullam possit exercere potestatem.

Hinc quoque emerfit everfio fundamentalium legum Reipublicæ, quæ præcipue consistunt in observantia, & conservatione liberi juris vetandi, à quo falus publica, totaque pendet libertas.

Ex eodem vitiorum fonte pullulavit ultimarie violentissima impositio in Regimen, & Regnum Personæ invisæ STANISLAI Lefzczynski, contra quam non solum leges Patriæ, & expressissimæ Constitutiones Regni, sed insuper pacta cum vicinis Potentiis fœdera Reipublicæ apertissime reclamitabant.

Longum esset exponere dolosas artes, quibus hæc gravis Reipublicæ factio usæ sit, ad eludendam, & infrigendam liberam Regis Electionem, & erigendas pravas machinationes suas.

Probat ejusrei fidem statim ab initio interregni tempore convocationis in ordine ad designandum tempus Electioni novi Regis conflata à Primæte Regni, Ejusque adhærentibus, corruptissima confœderatio. In qua ad elusionem, & defraudationem Jurium, Libertatumque Regni, conducto ex Gallia auro, partim emebantur, partim vero vi, & comminationibus necessitabantur animi liberrimæ gentis Polonæ ad juratoriam obligationem dolosissimis conceptam terminis de non eligendo alio Rege, nisi indige-

digena, quem eadem captiosa, & fraudulenta præscriberet Confœderatio.

Patet autem palàm publicissimè dolus, & supplantatio, quâ versùs Ordines Reipublicæ idem Primas Regni usus sit, cum non solum Statum sæcularem ad puncta confœderationis non approbata acceptanda juramento compulerit, sed etiam Episcopos vi eadem factionis Authoritatem, & Prærogativas lege sibi conceptas jurare coëgit, adeò ut, si Primas Regni contra Leges per scissionem, vel in damnum Patriæ in Electione aliquem ex Candidatis in Regem nominaret, succedentibus ordine, & honore Episcopis conformiter ad antiquas Constitutiones ad evitanda Reipublicæ mala non esset liberum in derogationem Jurium Primatis Regni salvare Patriam, & alium Reipublicæ salubriorem, & magis proficuum Candidatum in Regem nominare.

Apparet etiam Ejusdem Primatis astus, quòd, etiamsi in Confoederatione fecerit sponsionem, se non alium Candidatum velle nominare in Regem, nisi qui unanimi consensu, & nemine contradicente ab Electore Populo fuerit electus; attamen hoc maximi momenti punctum, à quo securitas liberæ Electionis, & publica pendet salus, non inseruit Rotæ juramenti sui, quamvis è converso Episcopi in hunc finem jurare debuissent, quod Jus Primatiale non violabunt, & in casu scissionis nullum Candidatum nominabunt.

Quod verò attinet oppressionem, & præjudici-
cium communi Libertati, in libero Regno Nostro ab
eodem Primате illatam, potuitne unquam luculen-
tius, & fatalius existere exemplum, quam, dum præfa-
tus Primas Proceres Regni, variòsque Districtus, & Pa-
latinatus Poloniæ, & Magni Ducatus Lituaniæ pro ma-
nutenenda libera Regum electione contra Convulso-
res Jurium, & avitarum libertatum trans Vistulam am-
nem Varfaviæ ad Pragam translatos, & violentæ, a-
deòque illegitimæ pseudo-electioni Varfaviensi è di-
ametro contrarios ad unionem animorum, & consilio-
rum secum per Delegatos ex Senatu, & Equestri Or-
dine invitaret & ea ipsa Legatione pro parte notabili
Reipublicæ contrarium sentiente agnovisset, quod
non expectata relatione Illustrissimorum Deputatorū
de resolutione Confratrum veluti in apertam Postpo-
sitionem, & prostitutionem æqualium sibi concivium,
& in convulsionem liberæ electionis ad nominationem
Pseudo-Electi sui processerit, & explosis tormentis
armamentariis in signum peractæ violentissimæ electi-
onis partem læsam, & oppressam Reipublicæ veluti ad
vindictam sublatorum cardinalium jurium Reipubli-
cæ concitaverit.

Tali igitur facto factiosus Regni Primas, Eique
annexi, Fœderatq; STANISLAO Leszczynski stra-
verunt iter ad Regni Diadema. Quem ut fortiori fun-
darent fundamento, placuit abuti Sacratissimo vincu-
lo,

lo, quod in mentes animòsque mortalium Religionis
motivò vel maximè prædominatur, scilicet: *obligatio-
ne juratoria*. Cujus tamen invaliditas exinde patere
potest: quod plurimos ad Comitìa convocationis con-
gregatos, ad præstandum hocce Juramentum coactè,
dolosè, sive subreptitiè & plane temere induxerint.
Et quidem *coacte*: quia ex utroque ordine cives Regni
metu mortis, & comminatione confiscandorum bono-
rum, Honorumq; & Ministeriorum privatione ad ju-
ramentum impulerunt. *Dolosè*, & *subreptitiè*: quia
Rota Juramenti referebatur ad puncta Confœderati-
onis, quorum tenor ab Ordinibus Regni non erat ge-
neraliter approbatus. *Temere*: quia inducebantur ani-
mi ad invocandum nomen DEI Omnipotentis in va-
num, stringebanturque jurare in præjudiciũ Legum,
in damnum Reipublicæ, & in præjudiciũ salubrioris
Patriæ Candidati, qui salva, & externa pace, & tran-
quillitate Reipublicæ, libere, sine ulla vi, & coactione
eligi potuisset; adimebaturque Electori Populo libera
voluntas eligendi Regem ad arbitrium, & beneplaci-
tum suum, in qua vis, basis, & fundamentum *Com-
munis Libertatis* vere, & unice consistit.

Reclamabant confestim generosæ pro tuendis
Immunitatibus Regni mentes, quibus lumen rationis,
& cognitio Status Reipublicæ concessit nòsse myste-
ria huic communi Libertati præjudiciosissimæ, & frau-
dulentæ actionis; & ut torrenti hujus perniciosæ facti-
onis

onis resipiscerent, in subscriptionibus ejusdem instrumenti Confœderationis apposuerunt: necessarias præcustoditiones, & salvas, remittendo approbationem hujus extorsivi, & dolosi Juramenti, ad generalem Palatinatum, & Districtuum in Campo Electorali concursum.

Sed parum hæc per contemptum, & calcata Jura procedentibus obsistere potuerunt; etenim appropinquante tempore Electioni Regis dicato, nulla in corrupto, & prævaricato Primate Regni interpositarum contradictionum habita fuit ratio, nulla datarum instructionum nunciis à Districtibus, & Palatinatibus Electioni STANISLAI Leszczyński apertissime contradicentibus fuit apprehensio.

Nihil valuere fortissimæ rationes, nihil moverunt animos in præceps ruentium promulgatæ per typum clarigationes vicinarum Potentiarum, se etiam vi armorum obstituto, ne à Cliente Gallici Imperii, & Suecorum Turcarumque fœderato, cui jam olim nocivus Reipublicæ, & ejus fœderatis cum prædictis Potentiis Tractatus intererat, Polonici Regni Thronus præoccuparetur.

Nulla adjiciebatur fides constantibus relationibus de copiis militiæ Moscovitici Imperii, asserentibus, illas jam actu limites Regni Poloniae subintrasse, & citatis passibus accelerare, ut fœderi, & Guarantiæ suæ jam olim contra illegitimum ambitum, & attentata ejus-

jusdem STANISLAI Leszcynski cum Republica interpositæ satisfaceret.

Imò, quod vix dictu credibile, eò processit obstinata, & tranquillitati totius Christianitatis inimica factio interregiæ Potestatis, ut literas Serenissimæ Imperatricis Moschovitici Imperii cum omni amicabili præcautione eo intuitu ad Serenissimam Rempublicam Polonam scriptas in sequiorem torqueret interpretationem, & variis afficeret acclamamationibus, ut auditoribus verum rei adimeret intellectum.

Nihil ultimariè profuere interpositæ numerosissimæ à Senatu, & Equestri Ordine, imò ab integris Palatinatibus, & Districtibus protestationes, & manifestationes, de ruptis legibus, & infracta libera electione, de violatis fœderibus cum vicinis Potentiis, & perturbata pace, & tranquillitate interna, & externa Reipublicæ dolentissimè conquerentium, & à violento, dolo, & perniciosissimo electionis actu publica consilia in liberiori, & tutiori locum transferentium.

Pars enim imperiosa, & legifraga Reipublicæ invertendo omnia, quæcunque jus, mos, & Libertas in Libero, & Electio Regno, longo annorum usu stabiliverat, violavit imprimis Patria jura, & consuetudines, denegando in campo Electorali comparitionem Oratoribus extraneorum Principum studia, & desideria Principalium suorum exponere jus habentium.

Eundem commisit errorem, non admittendo pro-

B

posi-

positiones Candidatorum ad Regni Coronam, dolosissimo fine, nè Elector Populus, de commodis & incommodis, quæ Reipublicæ exinde provenire possint, informatus, necessarias in Electione Regis, & præferentia Candidatorum mensuras capere possit.

Violavit ultimarie pretiosissima, & Cardinalia Jura Libertatis, & propriam juratam confœderationem, dum arrogata sibi absoluta quadam potestate contra jus æquitatis, & æqualitatis, in apertissima Reipublicæ scissione die 12. Septembris procescit ad nominationem sui Electi, ediditque in lucem hactenus occultatam in favorem Gallicæ factionis machinationem, imponendo liberrimæ Nationi Polonæ, postposita parte Reipublicæ contrarium sentiente, pro Rege, & Rectore Regni STANISLAUM Leszczynium Indigenam, & Patriotam quidem, sed ob rationes infrà allegandas expressissimis Constitutionibus Regni proscriptum, & pro hoste Patriæ declaratum atq; ex ratione pactorum fœderum Reipublicæ cum vicinis Amicis Potentiis sine infractione pacis, & concordiæ cum hisdem ad Gubernacula Regni nunquam admisibilem.

Quæ omnia ad liquidum patere possunt, primò ex Constitutione Lublinensi 1703. anni, itidem ex Confœderatione Sandomiriensi anni 1704. quæ generali congressu sive Consilio magno Varsaviensi sub Anno 1710. plenam nacta est confirmationem; in eaque præsens Celsissimus Primas Regni pro tunc Episcopus Culmensis solenni in facie Statuum reipublicæ præstito Juramento ipse eundem
STA-

STANISLAUM Leszczynium tanquam à Corona Sue-
tica Reipublicæ intrusum Pseudo-electum in ævum pro
incapaci, & inhabili ad Coronam Regni Poloniæ jura-
ta expunxit fide.

Ultimarè Constitutio Anni 1717. Tractatus Varfavi-
ensis tractans de *indulgentia beneficio amnestie Stanislaui Lesz-*
czynio, & his, qui cum eo extra limites Regni commora-
bantur, expressissimè præcavet, quòd, nisi hi tumultuarii,
& crimine perduellionis notati cives in spatio trium men-
sium ad Rempublicam sint reversuri, illos communi Li-
bertate amplius in Republica Polona gaudere non posse,
& ideo in casu non resipiscentiæ in eadem Constitutione
salva executio pœnarum in legibus expressarum contra
eosdem omnino est reservata, quæ postea Comitibus Grod-
nensibus Anno 1718 in toto approbata fuit.

Jam verò est, quod æquo judicio Orbis, & justæ Rei-
publicæ indignationi subesse debeat: quod, dum idem
Primas Regni in nuperis Comitibus Convocationis jurata
sua Confœderatione omnes jure victos arceret à Campo
Electoralis, & Regis electione ipse imprudenter, & incon-
sideratissimè contra antiquiores, & recenter latas Leges,
ipsamque Confœderationem suam in nupera Pseudo-ele-
ctione Varfaviensi personam ejusdem Leszczynii sub gra-
vissimo nexu Juris existentem, quem Respublica, tanquam
Socium, & Fœderatum hostem Patriæ, usurpatoremque
alieni Throni tot repetitis Constitutionibus in multifariis
Conventibus Regni proscripsit, & condemnavit, com-
muniq;

nique Patriæ Libertatē interdixit, Regno Poloniæ pro Rege, & Rectore ausus sit obtrudere!

Utque compleret intervertere Jura, & consuetudines Regni, Eundem STANISLAUM Leszczygium sub ipsam Electionem ex Gallia conduxit Varſaviam, ut in præſentia partes factionis suæ eò fortius augere, Electionemque suam promovere posset, postpositis Legibus Patriis, quæ Candidatis ad Regnum propè Electionum commorari expressissime interdicunt.

Hæc itaque communem Libertatem, Dignitatem, Jura, & securitatem Reipublicæ evertentia, attentata imperiosi Vicariatûs Regni Rempublicam ultro in tempeſtates, & in detestabilia pericula protrudentia moverunt animos confœderatae Reipublicae, ut exemplo Majorum Suorum arriperent media de restituenda tranquillitate publica, & de erigenda, & vindicanda prostrata, & conculcata avita Libertate, & maxime ea, quæ est basis omnium Libertatum Nostrarum, scilicet: de everſa libera Regis Electione, ſtantibus tot millenis contradicentibus.

Igitur post interpositam rite, & in tempore manifestationem, dum locus ordinarius in Campo Electorali cædibus, & injuriis faeviens in Conſratrium suorum voluntates factus sit veluti opprobrium, & scopulus Libertatis; Pars læſa, & oppressa Reipublicæ tranſtulit consilia publica in liberiolem, & tutiolem à tumultibus, & persecutionibus locum, trans Viſtulam amnem, ut Pharfalicos cum Conſratribus suis evitaret conflictus, indulgeretque spatium

tium maturiori deliberationi Ubi superatis DEO auxiliante periculis, & hostilitatibus tyrannicę persecutionis adverſę partis, à qua uſque ad confinia Lituanię erat hoſtilibus cędibus, & lanienis propulſa, tandem die 5 Menſis Octobr. in anno currenti nondum elapſo ſpatio 6 hebdomadarum Comitiis Electionis de Lege preſcripto, in tempore, quod convulſores Patriarum Legum precoci, & perimenti factio ſuo temerę interruperant, reſumptis conſiliis proceſſit ad liberam Electionem, ut errores Confratrum, qui contra Jus ſcriptum evidens, & contra voluntatem liberam æqualium ſibi Concivium authoritatem imponendi communi Nobilitati Regem ſibi appropriare voluerunt, corrigere, & labentia Privilegia Libertatis poſtliminio firmare poſſet.

Itaque dum tentatis acriter mediis ob ſublato præcipitanter die 16 Septembris pontem in Viſtula fluvio, quem propter com meatum & communicationem conſiliorum cum Diſtictib. & Palatinatib. Lex & conſuetudo ad ultimum Comitiorum Electionis determinium, ſpatium 6 hebdomadarum continentium, in plena integritate conſervare conſtituit, & ob continuatas ab adverſa parte crudeliſſimas hoſtilitates nullus ad reoccupandum uſitatum Electionis locum inter Varſaviam, & Volam daretur modus, non in loco, ſed in re, & uniformibus conſiliis, more & exemplo Majorum Suorum Libertatibus & Juriſ ſuis quęrendo ſalutem; ita dictante & inſpirante gratia Divina, in Campo Electorali ad Kaminienſiam liberis,

& concordibus suffragiis sub prudentissima nominatione Illustrissimi & Reverend. Dom. Stanislai Hosii, Episcopi Poznaniensis in frequentissimo Illustrissimi Senatus & Regni Ministrorum Comitatu, dirigente pro tunc Rotam Equestris Ordinis Illustrissimo Domino Poninscio Instigatore Regni, non per calcata jura vetandi fatali Varfaviensis Pseudo-Electionis exemplo, sed præmissa trina per Palatinatus, & Districtus interrogatione, nemine contradicente, imo omnibus applaudentibus, pars antiquas libertates, Immunitates, & Jura Regni manutenens Serenissimum Principem, & Dom. Dominum FRIDERICUM AUGUSTUM, Principem Regium Poloniæ, & Electorem Saxoniae, in Regem Poloniæ, & Magnum Ducem Littuaniae, annexarumque Provinciarum Dominum, sub Nomine AUGUSTI III. feliciter elegit, & nominavit.

Et quemadmodum hæc pars de Republica recte sentiens, hunc pium, justum, fortem, & magnanimum Principem in Tutorem, & Vindicem Libertatum, immunitatum, & Jurium suorum firmiter constituit, ita pro defensione communi, & tuitione Serenissimi Electi Sacro-Sancto, & strictissimo Confœderationis Vinculo sese Eidem Serenissimo Regi Electo obstrinxit, fortunas, sanguinem, & vitam pro tuenda fide, Electo Rege, & Lege, fideli oblatione immolando, constituitq; sibi in Directorem præfatæ Generalis Confœderationis, Eundem Illustriss. Instigatorem Regni, qui Comitibus Electionis ex Provincia Majoris Poloniæ, tanquam Director, & Mareschalcus Ordini Equestri feliciter præfuerat.

Tra-

Traxit animos Reipublicæ Confœderatæ in Venerationem, & Electionem hujus Magnanimi Principis:

Prius vera & constans erga Religionem Orthodoxam Romano-Catholicam propensio, distinctissimæ Heroicarum Virtutum Qualitates;

Regalis, & Majestuosus Augustissimi Sanguinis splendor, innumeris originibus de Stirpe Jagellonica derivans, adeoque nativo amore & correlatione ad tuendum, & protegendum decus Polonæ Libertatis propendens, & ex hac ipsa ratione pro Vero Piastæ Indigena Polono ab omnib. impartialib. Compatriotis jure merito venerandus.

Militavit pro eodem Principe edocta à Parente, & Præceptore Rege ars comiter, liberaliter, & gratiosissimè imperandi liberæ Genti, evitandique ea cuncta, quæ Libertatis Polonæ, & Legum Instituta lædere, animosque fidelium subditorum affligere possint.

Recommendarunt amor Electoris Populi, & publico delectui Eundem Principem Propositiones communi Libertati, commodis, Gloriæ & Securitati totius Reipublicæ faventissimæ, quas magnanimo, & optimo Principi in signū benevolentissimi animi sui, erga Rempublicam Polonā per illustrissimos, & Excelssimos Ministros Plenipotentiariorum suos in Campo Electorali proponere placuit.

Conciliavit Vota, & favorem Ejusdem Electoris Populi in optionem Serenissimi Electi nostri etiam vicinorū Principum erga Electum Regem nostrum amicitia, & propensio, quæ Reipublicæ nostræ Polonæ bonam vicinitatē, pacem, & amicitiam cum iisdem pollicetur Potentiis.

Commovit nos ultimarie in Dilectionem, & Electionem
hujus Principis fortitudo, auxiliumque in armis, quæ ab hoc
Potentissimo Electo in casu necessitatis contra quosvis ho-
stes, & aggressores parata habere possumus, iis pactis, ut ad in-
stantiam Reipublicæ, cessante necessitate defensionali, pro-
tinus evacuari, nec Reipublicæ esse infesti debeant; aded ut in
hoc præsentis arduo, & difficillimo Reipublicæ tempore Ele-
ctus Rex Noster solus pretiosas Libertates Juraque Reipubli-
cæ reparare, & contra convulsores, & oppressores manutene-
re, tranquillitatem internam, & externam Patriæ redonare, se-
culoque nostro Pacem, & quietem impertiri, conciliareque po-
terit.

Hæc igitur sunt veræ, & justissimæ rationes, quæ animos
Electoris Populi à STANISLAO Leszcynio vio'ento, & injusto
usurpatore Regni averterunt, & in Electionem Serenissimi ac
Potentissimi Principis FRIDERICI AUGUSTI Regii Prin-
cipis Poloniæ, & Electoris Saxonie converterunt.

Quem uti Ordines Reipublicæ liberis & concordibus
suffragiis, & fideli applausu sub Augustissimo Nomine
AUGUSTI III. nuper in Campo Electorali ad Kamiennam
in Regem Poloniæ, & Magnum Ducem Lituaniæ, annexarum-
que Provinciarum Dominem nominarunt, elegeruntque, ita
idem nunc Confœderati Ordines in tuitionem, & defensionem
Serenissimæ Ejus Majestatis, & avitarum Libertatum, Fortu-
nas, vitam, & charissima quæque impendere Sacro - Sancto
appromittunt voto; huncque zelum suum toti Chri-
stiano Orbi faciunt manifestum.

skt,
Raj.
hods

Sta-
cts.
fla-

Tri-
No-
Di-


nd-
dem

Ma-

Sta-
tes-
um.

um-
seß

zu
im-
ten





186.

